



## Folúntas: Clár Reachtaire Raidió na Life (conradh 5 mhí)

Tá **Clár Reachtaire** le ceapadh ag Comharchumann Raidió Átha Cliath Teoranta ('Raidió na Life'). Post ar chonradh cúig mhí atá i gceist. Tá an post maoinithe ag Foras na Gaeilge. Ní mór iarratas a sheoladh trí ríomhphost chuig [bainisteoir@raidionalife.ie](mailto:bainisteoir@raidionalife.ie) faoi 5 i.n. ar an Luan, 30 Lúnasa 2021. Ní ghlacfar le hiarratais i ndiaidh an spriocdháta seo.

Stáisiún raidió pobail bríomhar lán-Ghaeilge atá ag craoladh i mórcheantar Átha Cliath, agus ar fud an domhain ar líne, is ea Raidió na Life (RnaL). Faigheann an stáisiún maoiniú ó Fhoras na Gaeilge faoina Scéim Raidió Pobail chun seirbhís raidió pobail trí Ghaeilge a sholáthar. Tá conradh craolacháin ag an stáisiún le hÚdarás Craolacháin na hÉireann (BAI). Craolann sé ar 106.4FM i mórcheantar Bhaile Átha Cliath agus ar líne ar [www.raidionalife.ie](http://www.raidionalife.ie).

Tá Raidió na Life ag iarraidh duine uaimhianach, éirimiúil agus fuinniúil a cheapadh mar **Chlár Reachtaire**. Post lánaimseartha ar chonradh cúig mhí atá sa phost dúshlánach agus spreagúil seo, ag clúdach do bhall foirne a bheidh ag dul ar thréimhse shaoire shabóideach.

### Próifíl an Phoist:

Beidh an Clár Reachtaire freagrach don Bhainisteoir Stáisiúin. Beidh sé/sí freagrach as **taighde & léiriú ar chlár chainte** Raidió na Life, **go háirithe aschur chúrsaí reatha** RnaL.

Cinntoidh an Clár Reachtaire go gcomhlíonann clár chainte & cúrsaí reatha an stáisiúin na dualgais a leagtar ar RnaL ina chonradh craolacháin leis an mBAI, ina measc, dhá uair an chloig, ar a laghad, d'aschur chúrsaí reatha in aghaidh an lae a chinntiú is a chomhordú.

Beidh sé/sí freagrach as cúraimí áirithe eile, de réir mar a aontófar leis an mBainisteoir Stáisiúin.

### Cáilíochtaí Riachtanacha:

- Bunchéim onóracha tríú leibhéal, ar a laghad, nó cuntas teiste gairmiúil a léireoidh go bhfuil na scileanna atá riachtanach chun an post seo a chomhlíonadh gnóthaithe ag an iarrthóir
- Gaeilge scríofa agus labhartha d'ardchaighdeán
- Tuiscint ar mheán an raidió, na meáin Ghaeilge trí chéile agus ar éiteas an raidió pobail
- Scileanna láidre taighde, léiriúcháin agus láithreoireachta raidió
- Scileanna láidre idirphearsanta, a chuirfidh ar chumas an iarrthóra a bheith ag comhordú láithreoirí na bpríomhchlár cainte; ag déanamh teagmháil laethúil le haíonna, agus a bheith mar chuid d'fhoireann stáisiún raidió pobail ina bhfuil rannpháirtíocht dhaoine éagsúla ón bpobal lárnach ina fheidhmiú laethúil

### Tréithe Inmhianaithe:

- Tuiscint ar rialúcháin, cóid agus caighdeán chraolacháin an BAI
- Taithí san earnáil chraolacháin
- Cur amach ar agus taithí ar threalamh craolacháin & taifeadta agus ar bhogearraí taifeadta agus eagarthóireachta fuaime a úsáid

## Dualgais an Phoist :

- **Ardchaighdeán a chinntiú ar chlár chainte Raidió na Life, trí thaighde agus léiriú ar na príomhchlár chainte de réir riachtanais an sceidil;** taighdeoirí agus craoltóirí deonacha na gclár cainte a oiliúint, agus aon chomhairle agus cúnamh eile gur féidir a chur ar fáil.
- **Clár cainte laethúil uair an chloig ar fhad a ullmhú agus a láithriú gach lá Luan – Aoine.** Beidh céatadán nach ísle ná 80% de chaint sa chlár seo.
- **Clár chainte agus clár chúrsaí reatha eile a léiriú i rith na seachtaine.** Aontófar iad seo leis an mBainisteoir Stáisiúin agus beifear ag súil le solúbthacht maidir leis na clár a iarrfar ort a léiriú. D'fhéadfaidís seo athrú ar bhonn rialta de réir nádúr na craoltóireachta deonaí sa stáisiún agus athruithe rialta a thagann ar an sceideal dá réir.
- **An t-ollchlár *Scoth na Seachtaine* a chur le chéile gach seachtain, bunaithe ar bhuaicphointí na gclár cainte a craoladh an tseachtain sin.**
- Eolas rialta a chur ar na meáin shóisialta mar gheall ar chlár; míreanna; nuacht RnaL, srl.
- Míreanna & clár a uaslódáil mar chomhaid fuaimne ar ardáin ar líne (Soundcloud srl.)
- Maoirsiú agus comhordú ar scoláirí idirbhliana ar thaithí oibre le Raidió na Life.
- Bunachar sonraí teagmhálaithe agus agallaithe a choimeád suas chun dáta agus a neartú.
- Riarachán & cúnamh don mBainisteoir de réir mar is gá.
- Oibriú ó am go chéile ar shuíomh gréasáin an stáisiúin (ag nua-shonrú scéalta nuachta, eolas faoi chlár & láithreoirí srl). Bheadh taithí éigin ar chórais bhainistíochta inneachair (WordPress srl.) ina bhuntáiste, ach níl riachtanach.

## Coinníollacha:

- Post lánaimseartha ar chonradh cúig mhí atá sa phost seo.
- Ceapfar an Clár Reachtaire ar ghrád Oifigeach Feidhmiúcháin Gnáthscála de réir an chiorcláin is déanaí atá i bhfeidhm nuair a dhéanfar an ceapachán. Ceapfar an duine ar Phointe 1 den scála.
- Is í an Ghaeilge teanga oibre Raidió na Life.

## Conas iarratas a dhéanamh:

Seoltar litir iarratais mar aon le CV chuig [bainisteoir@raidionalife.ie](mailto:bainisteoir@raidionalife.ie) faoi 5 i.n. ar an Luan, 30 Lúnasa 2021 .

**Is fostóir comhionannas deiseanna é Comharchumann Raidió Átha Cliath Teoranta.**



Foras na Gaeilge